

SANITÉ: La doturia Grete Mahlknecht é demez dal dedolönesc, 25, cina en vëndres, 28 de ma, y vëgn sostituida da dr. Lodovica Mattioni, 328 85 90 842

PLOANIES SAN MARTIN Y LUNGIARÜ

Por chi che foss disponibli da tó pert al **sorvisc da partí fora la comuniun** é la poscibilité, sc'al n'é almanco 10 che s'anunziëia, da organisé n curs de formaziun tla Val Badia. I interessá é bel peria da s'anunzié cina ala fin de ma.

Al é ince la poscibilité da tigní tla Val Badia n curs de formaziun por **acompagné porsones amaredes o che é da morí** - tres sc'al n'é é almanco 10 che tol pert. Prëibel ince chiló, anunziesse cina ala fin de ma,

Anunziesse pro siur Heinrich, o pro Carla Ploner Verginer (info@verginer.bz.it) o pro Christian Clara (clara.christian@dnet.it)

Do che i **"esercizi spirituali por ëi"**, preodüs tl bel Convënt de Marienberg por la fin de merz é gnüs sburlá ala fin de ma, dai 27 ai 30 de ma, tl medemo post é l ciamó n valgügn posc lëdi. Anunziesse por telefon 320 44 45 399

SAN MARTIN

Bel dilan dl'oferta por la dljia en memoria de Pire Erlacher da pert de Karl y Margareth Mutschlechner. - - - - -

Referat online por todësch en dedolönesc, ai 18 de ma 2021, dales 19,30, dal titul **"Le monn se roda atramënter - È mi mót ciamó normal? O ól ester aiüt?"** cun la referënta Irene Berti, doturia spezialisada por la psichiatria y psicoterapia de mituns y jogh. Inviá é geniturs, insegnanc y interessá. Link por tó pert online: <https://zoom.us/j/94555508588>

La Ciasa de Palsa chir practicanc/antes da 16 a 21 agn por l'isté che á vöia y motivaziun da imparé da conësce la Ciasa de Palsa y sü berbesc y mëdes. Informaziuns plü avisa tla Ciasa de Palsa 0474 524 700 y son la plata internet <http://www.sommereinmalanders.it> . Se scrí ite pon cina ai 23.05.2021 por internet <http://www.sommereinmalanders.it> . Le proiet vëgn metü a jí cun le sostëgn dla Stiftung Südtiroler Sparkasse, dl Südtiroler Jugendring, dl Wohnen im Alter y dl Assoziaziun Provinziala dles Ciasas de Palsa.

Incö domënia, 16 de ma: De Internazionale di Museums:

Museum Ladin Ciastel de Tor a San Martin dales 14.30:
L'artist Manuel Riz nes cunta la storia y l'evoluziun dla caricatöra. La dorada é de zirca 45-60 menüc. Posc limitá sön prenotaziun. Le referat gnará tut sò y sará da odëi sön le canal YouTube dl museum dai 20 de ma inant.
Orars de daurida: dales 14.00 ales 18.00

Museum Ladin Ursus ladinicus a San Ciascian, dales 10.00 y dales 11.00:
Vijites acompagnades por descurí la storia dles Dolomites y dla laurz di andri. La vijita döra incër 45 menüc. Posc limitá sön prenotaziun.
Orars de daurida: dales 10.00 ales 18.00
Info y prenotaziuns por telefon: Museum Ladin Ciastel de Tor 0474 / 524 062



Plata dles Ploanies San Martin y Lungiarü

ploan Klaus Sottas 344 15 54 055 - klstottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194


www.valbadiaonline.it/comunita

16.05. - 23.05.21 nr. 25

FESTA DL'ASSËNZA - B

Vangele do Merch 16,15-20

Gejù comparì ai önesc y ti à dit: Jide fora te döt le monn, y incundedi le vagnele a dotes les creatöres! Chël che crëi y se lascia batié vëgn salvè, Mo chël che ne crëi nia vëgn condanè. Y tres chi, che é rovà a crëie, sozedaral chisc sëgns: Te mi inom pararài fora demonns; ai baiarà lingac nüs, ai piarà ite bisches y sc'ai bër tosser mortal, ne ti fajaral degun dann, y i amarà, a chi ch'ai ti mët sò les mans, gnarà varis. Do che Gejù, le Signur, ti à albü dit chësc, é gnü tut sò tl cil y s'à sentè a man dërta de Dî. Èi deperpo é pià ia y pordicà indlunch. Le Signur i sostignî y confermâ l'incundaziun tres sëgns ch'al lasciâ sozede.



Festejë l'Assënza ó dí, renové y renforzé nosta fidënza, nosta speranza y nosc amur, ciaran sò a chël che é le Signur por dagnora. Mo por la devënta y la glorificaziun dl Signur aldel pro nosta fidënza ciamó lapró ch'i incundunse les opres dl Signur. Al nes á assiguré che te dōta nosta meseria y tēma y te dōta nosta vita sarál pro nos y gnará cun nos. Mo tl medemo tēmp dess sūa noela de salvēza gní incundada: Gejù Crist é re, dōt le monn dess conësce la noela de sūa vita y de sūa gloria. Al á ortié fora sū discepui ch'ai sides sū testimoni sōla tera y stais ite por l'amur y la iustizia. Gejù á ortié fora sū discepui che la jënt ciafes la ligrēza, che la jënt ciafes dala vita y dala gloria de Gejù fidënza y forza. Dūc dess savēi, che ēl é cun ēi sön sūes strades y plazes cina ala fin di tēmps. "Èi deperpo é pià ia y pordicà indlunch. Le Signur i sostignî y confermâ l'incundaziun tres sëgns ch'al lasciâ sozede." H.R.SVD

EDEMA	SAN MARTIN	LUNGIARÜ	 I periun do l'intenziun dl Papa por le mëis de ma I periun che i responsabli dles finanzes y dl'economia colaurëies cun i governanc di stac por che le valor di scioldi corespognes al dër valor dl laur y di produc y che la jënt vëgnes sconada dales speculaziuns.  <i>Avëi le cil tl cör</i> <i>Gejú sparësc tl cil, mo nia demez da nosta vita, sc'i ascutun súa parora; sc'i porvun da vire sciöche ël; sc'i s'afidun tres indô deplëgn a d'ël; sc'i periun a d'ël y le festejun tla comunité, spo vëgn le cil ite te nüsc cörs - y Gejú impara. (Image)</i>
16.05.21 FESTA DL'ASSËNZA ASCENSIUN DL SIGNUR - ann B	9.00 Corona por + Angela Tavella Castlunger 9.30 Gran Mëssa por la Comunité 2ª de sopoltöra de Angela Tavella Castlunger + Pire Erlacher (dla Union) + siur Angel Morlang 19.30 Corona de ma sô Ju	Festa dla Pröma Comuniun 9.00 Ingres y Mëssa por la comunité cun Pröma Comuniun 15.00 Corona tla capela de S. Ojöp Fr.	
17.05.21 Lönesc Dietmar, Emilian	19.30 Corona de ma a Picolin		
18.05.21 Dedolönesc Jan, Felix, Erich	19.00 Mëssa por vis y def. fam. Trebo, Pension Tor por na defunta	19.30 Corona de ma	
19.05.21 Dedemesaledema Ivo, Zelestin	19.30 Corona de ma te dljia 20.00 Corona de ma sô Frëina/Mirí	7.30 Mëssa + + Sepl y Silvia Rives + + Veronica y Ani Schanung dedô Corona de ma	
20.05.21 Jöbia Bernardin, Elfriede, Valeria	7.30 Mëssa + Pire Sorá (dl ann) + + de Giovanni y Regina Unterweger Corona por Vocaziuns 19.30 Corona de ma it'a Bioch	19.30 Corona de ma fora Bioch	
21.05.21 Vëndres Hermann Josef	18.30 Adoraziun chîta 19.00 Adoraziun deboriada	7.30 Mëssa + Roslinda Deiaco + + Jule Agreiter y Angelina Clara	
22.05.21 Sabeda Rita da Cascia, Renata, Iulia	19.30 Mëssa prefestia 3ª de sopoltöra de Angela Tavella Castlunger dl ann + Corrado Castlunger vis y def. familia Pedevilla, Ju vis y def. families Prousch y Perathoner	18.00 Mëssa prefestia + Rita Zingerle Clara (dla Union) + Carlo Planatscher aniv. + + + Carlo, Pire y Pio Mischi por vis y def. fam. Mischi da Miscí	
23.05.21 PASCA DE MA - B	9.30 Mëssa solëna por la comunité de rengraziamënt families de Martin Verginer + Helmut Dejaco (dl ann) 11.30 Bato de Manuel Dejaco 19.00 Ora d'adoraziun al Spirit Sant	7.55 Adoraziun - pröma pert 8.15 Mëssa solëna por la comunité dedô Adoraziun - secunda pert 15.00 Corona tla capela de S. Ojöp Fr.	